

Партьд шин орсн коммунистрин дунд кех кӱдлмшт оньг ӱгхмн

Коммунистическ парть болн советск олт-ӱмтнӱ хооридан эвдршго ни-ниинцнӱгъу бӱӱлгын—мана орн-нутит социализм тосхлгъна цуг динлврсин ончта булгн болджана. Олт-ӱмтиг парть гардна, партиг дахдж олт-ӱмти йовна, партиг гардврт олт-ӱмти цань уга батар иткдж, партиг ӱгсн хамг заавриг шунмгъагъар гуджрдж куцацхӱнӱ.

Олт-ӱмтнӱ джиргъл-бӱӱдлинь ясулхд, куч-кӱлсчирин сӱӱгъинь хӱӱлгънд мана парть эврӱнн цуг оньган, чидлӱн тусхана. Коммунистическ парть олт-ӱмтнӱ тӱсршго залгъата бӱӱдгнн энундн ӱзгджӱнӱ.

Мана Коммунистическ парть олт-ӱмтнӱ ни-ниинцнӱгъу гъар бӱӱддж, тингӱд тедниг ӱлмӱдӱн авч йовдгнн партиг состав ончта кевӱр ӱзӱлдж, медӱлнӱ.

Партиг зерглӱнд зӱвтӱ, кӱдлмшин ӱмн нӱурт йовцхадг, шунмгъа кӱдлмштӱ, чик ухата улсиг партьд орулдж авхин тускар темдгтӱ кӱдлмш кегддж йовна. КПСС-н XX-ч хургин хӱбн Хальмг тангъгчин кесг партигн организац эн кергин кӱцлтиг икӱр ясулв. 1956 джилд Западн района партигн организац партиг зерглӱнд шинӱс 49 кӱ орулдж авб, эдн дунд: кӱдлмшчирн 23, колхозникудн 17 кӱн. Яшалтинск района партигн организацар бас тер цагин эргцд партьд орулдж авсн улсин дунд кӱдлмшчир болн 18 колхозникуд йовна. Партьд шинӱс орулдж авсн улсин дунд кӱдлмшчирин болн колхозникудин тонь икдлгн нань чигн организацар ӱзгдджӱнӱ. Эн кевӱр партиг ӱслтиг ясдж, чикӱр келгънд эн джилд партигн организац нег-ӱлӱ оньган тӱвджӱцхӱнӱ.

Олт-ӱмтнӱ шунмгъагъинь улм деегшӱн ӱргдж, партиг болн госудаствин кӱцӱддж йовх кергтн тедн батта уханседклӱн тӱвдгнн ӱмнӱкӱсн икӱр ӱдлӱлх тӱр ода тӱвгдджӱнӱ. Эн учрар коммунист улс юн—чигн кӱдлмшин тӱрӱн нӱурт йовцхадж, олт-ӱмтид ӱлгӱр ӱзӱллгн йилгъӱн икнильчтӱ болджана. Коммунист улс олт-ӱмтнӱ нӱурт йовхин кергт ик сӱн белдвртӱ, марксистск-ленинск идеологар бийсӱн агессн болх зӱвтӱ. Эн тӱр нег-ӱлӱ шин орсн коммунистрин ӱмн зогсджана. Партиг зерглӱнд багъчуд, комсомольц улс олар ордгн ӱзгдджӱнӱ. Эн тоот цугтан шин орсн коммунист дунд кедг кӱдлмшт, эдниг идейно-теоретическ агсхд ик оньг тӱвхиг некджӱнӱ.

Коммунист кӱн тӱрӱн болдж кесн кӱдлмштӱн дамшдж, уралгъ-шунмгъа улсин дунд йовдгиг дасх зӱвтӱ. Иим шин

орсн коммунистрин тонь багъ биш. Элет балгъсна Ленинӱ нертӱ колхозин эклц парторганизацин чледин зерглӱнд нидн джил ах хӱбч ӱр В. И. Бардаков, хӱбч ӱр А. М. Сиенко болн колхозник В. Т. Дубинкин орцхала. Эклц парторганизаци эдн дунд сургъмджин кӱдлмш сӱӱнӱр кев. Энунӱ ашднн эдн политическ медрлӱрн темдгтӱгъӱр ӱсцхӱв, кӱдлмштӱн нертӱ сӱн болцхав. Эдниг колхозин коммунист нег дуугъар членд орулдж авб. Эдн ода агитатормуд болдж партигн даалгъвр кӱцӱдджӱнӱ.

Болв зӱрм района партигн организацар шин орсн коммунистрин дунд кедг кӱдлмш сул болсар, эдниг сургъдж, политическ медрлинн ӱдлӱлхин тускар кергтӱ оньг ӱс тӱвдг учрар, ик дуту-дунд бӱӱнӱ, тедн медрлӱрн, партигн сургъмджарн ӱсдж йовхш. Сарпинск района партигн организацар кандидатин болзгнн давдж одсн 19 кандидат кӱн бӱӱнӱ. Эн ӱлгӱр шин орсн коммунист парторганизаци оньгасн гарч одсин ӱзӱлджӱнӱ. Эдниг сургъдж, шунмгъагъинн ӱсдж, партиг членд орулдж авхин кергт сулар кӱдлджӱсиг ӱзӱлджӱнӱ.

Шин орсн коммунистрин сургъдж политическ белдвринн ӱдлӱлхин халхар дугу-дунд ӱзгдджӱх учрнн, эн кӱдлмшиг зӱрм райодин партигн комитетс сулар гардг, энунӱ туск тӱрмӱдиг пленумд болн бюрод тӱвдж ӱс кӱундвр келгн болджана. Зӱрм эклц партигн организац шинӱс кӱ кандидат орулдж авцкад, цааранднн кандидат улсла кӱдлмш кехш. Тер ик хаджгър. Теднд йоста коммунист кӱунӱ сургъмдж, дамшлт ӱгӱд, партигн шиндвр кӱцӱхин тӱлӱ шунмгъа ноолач улс кехин тӱлӱ оньг-килмджӱн ӱгх кергтӱ.

Партиг ӱслтинн чикӱр кедж, шин орсн коммунистрин сургъгхин туск кергт ӱгдг оньган улм ӱдлӱлхмн. Шин орсн коммунист улсиг партигн болн обшественн кӱдлмшт шунмгъагар орулхмн, партиг кандидат кӱн болгн партигн даалгъвр кӱцӱх зӱвтӱ, партигн болн госудаственин йосиг батар бӱрдж, кӱцӱх кӱдлмшин ӱмн нӱурт йовх учрта. Кандидат улс шундж марксист-ленинизм дасцхӱх, эврӱннн медрлӱн ӱдлӱлхин тӱлӱ цуцрлтан угагъар кӱдлх зӱвтӱ.

Шин орсн коммунист улсин дунд кедг кӱдлмшиг ӱдлӱлхлӱ цуг партигн кӱдлмш уралан йовх, КПСС-н XX-ч хургин шиндврмӱдиг динлвртӱгъӱр кӱцӱх бидн.